

Ա. Մուրվալան

ՀԱՅՈՑ ԼԵԶՎԻ ՊԱՏՃԱՌԱԿԵՐՊ ԲԱՅԵՐԸ

Հայի սեռերի մեջ պատճառական կերպի բայերը հատուկ տեղ են գրավում: Դրանք ուրույն բարդություն ու դժվարություն են ներկայացնում իրենց քերականական, ձևախմբատալան տարրեր զրահորամերով, իրենց առամերով ու ընդգրկումով:

Հայանի է, որ պատճառական բայեր տերմինը և նրա հատկացությունն առաջին անգամ ճիշտ կերպով ավելի Մ. Արեղյանը գետն 1906 թվականին իր զարգացական քերականություն մեջ¹: Դրանից հետո նա այդ բանը ընդգծել է իր Հարահյուսություն զասողրքում²: Անուհետև, հետագա քերականությունների մեջ Արեղյանի հիշյալ տերմինը կամ հատկացությունը հաստատվում է աչակա, ինչակա, օրինակ, այսօր է³:

Պատճառական բայեր տերմինը թեև Արեղյանին է պատկանում, բայց այդ բայերի հատկացությունն ու ըմբռնումը եղել է նաև նրանից շատ առաջ ժանցողական կամ «ներդործական» ընդհանուր տերմինի տակ: Այսպես՝ ըստ Ա. Այսրնյանի՝ «Անցողական կրավի բալ մ'որ արիշին բան մ'րնել տալ կը նշանակի. ինչակա խմցրնել (խմել տալ). հավատագրել⁴: Տվյալ հատկացություն արտահայտիչը Ս. Պալատանյանը համարում է ժգն մասնիկը, որ չեղոր բայից ներդործական է կազմում. խաղալ — խաղացնել, չորանալ — չորացնել, խակ ներդործական բայից կրկին ներդործական կամ անցողական. մոտանալ — մոտացնել, սովորել — սովորեցնել⁵ և այլն:

Այստեղ՝ անցողական կամ Երգործական բայեր, որպես պատճառական բայերի անվանումներ, ըստ տերմինների նշանակության, ճիշտ չեն գործածված. դրանք, որպես քերականական տարրեր հատկացություններ, Մ. Արեղյանի քերականությունից առաջ իրարից սահմանադատված չեն եղել: Այդ սահմանադատումը Արեղյանի մոտ միանգամայն ցայտուն է, որի հիման վրա էլ որոշակիություն կա բայի սեռերի, այդ թվում նաև պատճառական բայերի մեջ:

Պատճառական, սեռի բայը, ինչակա հայանի է, ցույց է տալիս, որ ենթական զործողությունը կատարել է տալիս մեկ արիշին, կամ այդ արիշի զործողություն կամ եղելություն փոփոխման պատճառն ինքն է (ենթական):

¹ Տե՛ս նրա «Այսարհարարի քերականություն», Վաղարշապատ, 1906:

² Մ. Արեղյան, Այսարհարարի զարահյուսություն, Վաղարշապատ, 1912, էջ 19 - 27: Նույնը ավելի ուշ նաև նրա «Հայոց լեզվի անություն» զրքում, Երևան, 1931, էջ 302 - 303:

³ Տե՛ս Ա. Ղարիբյան, Հայոց լեզվի զասողրք V և VI զասարանների համար, Հայպետհրատ, 1951, էջ 250:

⁴ Ա. Այսրնյան, Քննական քերականություն աչարհարար կամ արդի հայերեն լեզվի, Վիեննա 1868, էջ 89:

II. Պալատանյան, Քերականություն մայրենի լեզվի, Թիֆլիս, 1874, էջ 139:

Պատճառականի ձևանիշն է -ցն (-ացն, -եցն): Սա ավելանալով մեծ մասամբ չեզոք բաղադրին՝ դարձնում է անցողական-պատճառական ձևեր, հակառակ իրենց հիմք հանդիսացող չեզոք բաղադրի, ինչպես որ են, օրինակ, կորչել և կորցնել: Առաջինը չեզոք բայ է և չի պահանջում ուղղակի խնդիր (եկորչել ինքն իրեն), իսկ երկրորդն առաջինի անցողական-պատճառական ձևն է և պահանջում է ուղղակի խնդիր (եկորցնել մի բան):

Հարանման օրինակներ են՝ հանգչել և հանգցնել, դիպչել և դիպցնել, մանել և մացնել, վերանալ և վերացնել, բարձրանալ և բարձրացնել, իջնել և իջեցնել, մոռենալ և մոռեցնել, զրադվել և զրադեցնել և նման այլ բազմաթիվ ձևեր:

Այս նույն ածանցով պատճառական ձևեր են կազմվում նաև մի շարք հարադրյալ բաղադրից, կամ որոշ կարգի դարձվածքային արտահայտություններից: Դրանցից են, օրինակ, վեր կենալ—վեր կացնել, վեր թռչել—վեր թռցնել, ետ դառնալ—ետ դարձնել, կամ՝ ետ վերադառնալ (եկյանքը ետ վերադառնար տասը տարով, էջ 188)—ետ վերադարձնել (եդու նրան ետ չես վերադարձնի, էջ 188)¹, ետ կանգնել—ետ կանգնեցնել, ներս մտնել—ներս մըռցնել, դուրս փախչել—դուրս փախցնել, ոտի կանգնել—ոտի կանգնեցնել, մաքով անցիեցնալ—մաքով անցկացնել, գլխին նստել—գլխին նստեցնել և այլն:

Գրական մեր նոր հայերենի պատճառականի -ցն (-ացն, -եցն) ածանցը ծագումով հին է՝ լինելով դրաբար -ուցան (-ացուցան, -եցուցան) ածանցի հնչյունափոխված ձևը: Այսպես, օրինակ, ամրանալ բայի անցողական-պատճառականն է ամրացնել, իսկ որա հին ձևն է ամրացուցանել, եռալ բայի անցողական-պատճառականն է եռացնել, իսկ որա հին ձևն է եռացուցանել, անել բայի անցողական-պատճառականն է անեցնել, իսկ որա հին ձևն է անեցուցանել, թռչել բայի անցողական-պատճառականն է թռցնել, իսկ որա հին ձևն է թռուցանել²:

Այսպես են նաև՝ ամաչեցնել (հին՝ ամաչեցուցանել), ամուսնացնել (հին՝ ամուսնացուցանել), անմահացնել (հին՝ անմահացուցանել), աշխատեցնել (հին՝ աշխատեցուցանել), ապրեցնել (հին՝ ապրեցուցանել), առողջացնել (հին՝ առողջացուցանել), բազմացնել (հին՝ բազմացուցանել), բազմեցնել (հին՝ բազմեցուցանել), դալարեցնել (հին՝ դալարեցուցանել կամ դալարացուցանել), դարձնել (հին՝ դարձուցանել), դրադեցնել (հին՝ դրադեցուցանել և այլն, և այլն³:

Սրանք հատկապես չեզոք բայեր են, որոնցից սովորաբար կազմվում են անցողական-պատճառական ձևեր:

Որոշ անցողական բայերն էլ կարող են ստանալ նույն -ցն (-ացն, -եցն) ածանցը և դառնալ կրկնակի անցողական-պատճառական ձևեր: Նման բաղադրական պահանջում են սովորաբար երկու ուղղակի խնդիր, այսպես, օրինակ

¹ Ն. Փարյան, Հացափան, Երևան, 1955:

² Նման դեպքերում հարադիր բառերը մեծ մասամբ դրված են բուն բայերի կողքին: Պարզ է, որ այդ բառերը սովորաբար դործ են ածվում նաև առանձին (առանց այդ հարադիր բառերի), ինչպես, օրինակ, բարձրանալ—բարձրացնել, թռչալ—թռցնել, դառնալ—դարձնել և այսպես նաև մյուս բոլոր օրինակները:

³ Տե՛ս Սո. Մալխասյանցի «Հայերեն բացատրական բառարանը»:

⁴ Տե՛ս նույն բառարանը:

«դաս սովորել», բայց՝ «աշակերտին դաս սովորեցնել»։ «գիրք կարդալ», բայց՝ «մարդկանց գիրք կարդացնել» և այլն։ Այս կարգի օրինակներից են՝ «Այս հարցը Հազարյանին հիշեցրեց մանկության մի դեպք» (Զ. 43), «Վասակը հայացքով (այդ բանը) հասկացրեց Լևոնին» (Զ. 374), «Պողոսին քարտիզար ի ուտեցնում» (Զ. 504) և այլն։

Անցողական բայից կազմված պատճառական ձևերն են նաև՝ արածեցնել, զգացնել, իմացնել, լսեցնել, խմեցնել, խոստովանեցնել, ծծեցնել, հագցնել, հանաչեցնել, մարսեցնել, մոռացնել, շահեցնել, պարտավորեցնել և այլն։

Հիշյալ անցողական-պատճառական բայերի զգալի մասը ունեցել է և՛ հին ձևեր՝ -ուցան (-ացուցան, -եցուցան) ածանցով։ Այդ հին ձևերն են՝ սովորեցուցանել «սովորեցնել», յիշեցուցանել «հիշեցնել», զգացուցանել «զգացնել», իմացուցանել «իմացնել», խոստովանեցուցանել «խոստովանեցնել», մոռացուցանել «մոռացնել», շահեցուցանել «շահեցնել», շահել տալ, պարտավորեցուցանել «պարտավորեցնել» և այլն։

Պատճառական որոշ հին ձևերի դիմաց գրական նոր հայերենում սովորական գործածական չեն նրանց հնչյունափոխված նոր ձևերը (-ուցան > -ցն)։ Իրանց դիմաց արդի հայերենում մեծ մասամբ պատահում են նրանց նկարագրական ձևերը (տալ բայի հարադրությամբ)։ Այսպես, օրինակ, հին լսեցուցանել—նոր լսեցնել, բայց սրա տեղը այսօր սովորաբար գործ է ածվում լսել տալ։ Հին թորեցուցանել—նոր թորեցնել, բայց գործ է ածվում թորել տալ։ Հին գրգռեցուցանել—նոր գրգռեցնել, բայց գործ է ածվում գրգռել տալ։ Հին ծածանեցուցանել—նոր ծածանեցնել, բայց՝ ծածանել տալ։ Այսպես նաև՝ կարծեցուցանել «կարծել տալ», կարնեցուցանել «կարճել տալ», ճաշակեցուցանել «ճաշակել տալ», նշմարեցուցանել «նշմարել տալ», շարժեցուցանել «շարժել տալ», ողորկեցուցանել «ողորկել տալ», պառակեցուցանել «պառակտել տալ», պատրաստեցուցանել «պատրաստել տալ», ստիպեցուցանել «ստիպել տալ» և այլն։

Անցողական-ներգործական բայերից կազմված պատճառական ձևերը, ըստ կանոնի, ինչպես ասացինք վերևում, արտահայտում են կրկնակի անցողականության իմաստ և ըստ այդմ էլ պահանջում են երկու ուղղակի խնդիր։

Այդպես չէ, սակայն, բոլոր դեպքերում։

Անցողական բայերից կազմված պատճառական շատ ձևեր, ինչպես կտեսնենք, ոչ կրկնակի անցողական իմաստ են արտահայտում և ոչ էլ երկու ուղղակի խնդիր են պահանջում։ Նմանօրինակ պատճառական ձևերը շատ անգամ իրենց բուն անցողական բայերի (այն բայերի, որոնցից կազմված են այդ պատճառական ձևերը), այսպես կոչված, կրկնակի կամ զուգակից ձևերն են։

Այսպես՝ ծնեցնել (հին՝ ծնեցուցանել) ձևը գործ է ածված «առաջ բերել, ծագեցնել» իմաստով, օրինակ՝ «Այդ մտածմունքը ծնեցնում էր նրա մեջ մի փոքր անախորժ զգացմունք...» (Րաֆֆի, Երկերի ժողովածու, հատ. II, Երև. վան, 1955, էջ 78) և այլն։

Նման դեպքերում պատճառականի իմաստն այնքան է թուլանում, որ հաճախ այն իսպառ ջնջվում-վերանում է, հավասարվելով իրենց սկզբնական

1 Թեև նույն հեղինակի մոտ պատահում է նաև ծնել ձևով՝ «Այդ գաղափարները... ծնեցին նրա գլխում երևակայական ցնորքներ» (նույն աեղում, էջ 54)։

(—անցողական) ձևերին: Ահա այդ իմաստով էլ գործ են ածվել մի շարք պատճառական ձևեր: Այսպես, օրինակ՝ շարժեցնել (հին՝ շարժեցուցանել) ձևը հանդես է եկել նույն շարժել» իմաստով՝ «ես տեսա մի խաչագող, որ ավանակի նման շարժեցնում էր իր ականջները» (Րաֆֆի, ն. տ., էջ 305). խռովեցնել (հին՝ խռովեցուցանել) ձևը նույն խռովել» իմաստով՝ «Այդ մտքերը սաստիկ խռովեցնում էին ինձ» (Րաֆֆի, ն. տ. էջ 579). ճոճեցնել (հին՝ ճոճեցուցանել) ձևը՝ նույն ճոճել» իմաստով՝ «...ճոճեցնելով փայտը բևեռի հետ» (Վրթ. Փափազյան, Լ'նտիր Լրկեր, Երևան, 1951, էջ 11). դիզեցնել (հին՝ դիզեցուցանել) ձևը՝ նույն զգիզել» իմաստով՝ «տերևներն ու ճյուղերը միմյանց խառնելով՝ գլխին դիզացնում» (Վրթ. Փափազյան, ն. տ., էջ 288) և այլն:

Նման զուգակից ձևերից են նաև՝ գայթակղել և գայթակղեցնել (հին՝ գայթակղեցուցանել). սեփականել և սեփականեցնել (հին՝ սեփականացուցանել). վրդովել և վրդովեցնել (հին՝ վրդովեցուցանել) կամ՝ խռովել և խռովեցնել (հին՝ խռովեցուցանել), վերականգնել և վերականգնեցնել և այլն:

Անցողական բայերից կազմված այն պատճառական ձևերը, որոնք Լրկու ուղղակի խնդիր չեն պահանջում, կամ հնի ազդեցությամբ են գործածված նախասովետական շրջանի, մանավանդ 19-րդ դարի մեր գրողների ստեղծագործություններում, կամ Լրկին էլ սխալ են ածանցված՝ հասկացվելով որպես չեզոք բայեր (մի տեսակ միջագնած լինելով ներգործականի իմաստը): Այդպիսի բայերից են (Լրկնակի՝ զուգակից ձևերով)՝ խոնարհել և խոնարհեցնել (հին՝ խոնարհեցուցանել. «ոչ մի ազդի առաջ չեն խոնարհեցնում իրենց անպարտելի գլուխը»—Րաֆֆի, ն. տ., էջ 317)¹. պտտել և պտտեցնել («...պտտեցնում են իրենց իլիկը»—Րաֆֆի, ն. տ., էջ 115)². հնչել և հնչեցնել (հին՝ հնչեցուցանել. «այդ բոլորը... հնչեցնում էին հովիական կյանքի անմեղ և պարզ պոեզիան»—Րաֆֆի, ն. տ., էջ 299). հալել և հալեցնել (հին՝ հալեցուցանել. «...շրթունքը հալեցնում էր քնոդի Լրկսին»—Րաֆֆի, ն. տ., էջ 370) և այլն:

Նման դեպքերում մեծ մասամբ, ինչպես նկատելի է, այսօր ընդունելի է սկզբնական (և ոչ՝ Լրկորդական) ձևերի գործածությունը. այսպես՝ խոնարհել (և ոչ՝ խոնարհեցնել), պտտել, հալել, շարժել, ճոճել, դիզել և այլն:

Այսպես նաև՝ հալել բայը, որ ներգործական սեռի բայ է, բայց այս ձևով հաճախ չի հանդիպում մեր գրողների մոտ: Այս իմաստը սովորաբար արտահայտված է հալեցնել ձևով, օրինակ՝ «արևը հալեցնում էր ձյունը»

¹ Նույնը նաև այսօր՝ «Հովատակն իսկույն դուրս խոնարհեցրեց» (տե՛ս Ք. Փափազյան, Ոսկե հովիտ, էջ 303):

² Սրանք նույն «պտտել, դարձնել» իմաստով գործ են ածվում այսօր, որպես զուգակից ձևեր: Օրինակ՝ Թափալցյանի նույն «Ոսկե հովիտ» վեպի մի պարբերության մեջ այդ երկու ձևը մեկը մյուսին փոխարինել է. այսպես՝ «Տիգրանը վերցրեց մոտորի արմընկաձև բռնակը և մի երեք-չորս անգամ ամբողջ Թափով պտտեց: Հսկեցին կցկառուր փոթփոթոցներ և մոտորը նորից լռեց: Տիգրանը այս անգամ այնպես պտտեցրեց, որ տրակտորն օրորվեց» (էջ 108):

³ Օրինակ՝ Ն. Ջարյանի «Հացավան» վեպում հալել, որպես ներգործական բայաձև, ոչ մի անգամ չի գործածված, փոխարենը պատահում է հալեցնել (պատճառական) ձևը: Պատահում է, սակայն, հալել բայի կրավորականը՝ հալվել՝ «սառույցը արևի ցերժությունից արդեն սկսել էր հալվել» (էջ 17), այսպես նաև հետագա էջերում՝ 50, 115, 389 և այլն:

կամ՝ «իսպառ հալեցրեց ամեն կարգի փառկանկատութիւն» (ն. Զարյան, ս. տ. էջ 537, 412). «Ահա արեւը հալեցրել էր իմ մոմով կպցրած թեւերս» (Վ. Փափազյան, ն. տ., էջ 388). «Գարնան արեւը հալեցնում էր ձյունը Այուսարի...» (Ա. Բակունց, Երկեր, Երևան, 1955, էջ 31) և այլն, և այլն:

Նման դեպքերում առաջ են գալիս մի տեսակ ձևի և բուսականության (ֆունկցիայի) խզում կամ հակասութիւն, երբ այս կամ այն անցողական բա՜ւր ձևով կրկնակի անցողական-պատճառական է (-ցն, -ացն կամ -եցն ածանցով), իսկ իմաստով կամ ֆունկցիայով՝ սովորական անցողական-ներգործական: Այս կարգի «կրկնակի» անցողական ձևերը ֆունկցիայով համընկնում են այն անցողական-ներգործական ձևերի հետ, որոնցից կազմված են դրանք (Երբեմն իմաստի թեթեւ նրբերանգներով, հմմտ. վերնում բերված՝ Խոնարճել—Խոնարհեցնել, պտտել—պտտեցնել և այլն): Այդ բանն ավելի շոշափելի է մի շարք չեզոք (բնածայնական) բայերից կազմված պատճառական ձևերի մեջ, որ կտեսնենք քիչ հետո:

Ասացինք, որ սովորաբար չեզոք սեռի բայերից են կազմվում անցողական-պատճառական ձևերը: Բայց կան որոշ չեզոք բայեր, որոնցից անցողական-պատճառական ձևեր չեն կազմվում: Դրանք հատկապես այնպիսի բայեր են, որոնց անցողական-պատճառական ձևի կարիքը լեզվի մեջ չի զգացվում, կամ դրանց անցողական-պատճառական ձևը փոխարինվում է անցողական-ներգործական ուրիշ բայով, ինչպես, օրինակ՝ գալ—բերել, գնալ—տանել, (հմմտ. հասնել—հասցնել), ընկնել—զցել (հմմտ. իջնել—իջեցնել), ելնել (|| դուրս գալ)—դուրս բերել, երևալ—ցույց տալ (կա և՛ երևացնել ձևը—հին՝ երևեցուցանել. «Իրենց կարմրավուն ցուքով երևացրել էին նրա ականջները» — ԱԲ. 631, կամ՝ «մեջքի արծաթ գոտին երևացնում էր ճկուն մարմինը» — ԱԲ. 665) և այլն¹, կամ էլ մի չեզոք բայը փոխարինվում է համարժեք մի այլ չեզոք բայով, որից և կազմվում է պատճառական ձևը, օր. լալ || լացել—լացացնել և այլն:

Նման փոխարինումը սովորաբար չափ ցայտուն է դրսևորվում հարադրյալ բայերի կամ որոշ կարգի դարձվածքային արտահայտությունների մեջ. երբ, մի կողմից, կանգնած են արմատից կամ արմատական բառից անանցողական-չեզոք բայով կազմված հարադրյալ բայերը, որպես չձգոք (կամ երբեմն կրավորական) բայաձևեր, և մյուս կողմում, նույն արմատից կամ արմատական բառից անցողական-ներգործական բայով կազմված հարադրյալ բայերը, որպես անցողական-պատճառական բայաձևեր: Բերենք օրինակներ, այսպես՝ ման գալ («գալիս են ըստեղերք ման գալիս» — Մ. 87)² չեզոք և ման ածել (ստանում եմ շենը ման ածեմ» — Մ. 87)³ անցողական-ներգործական, հմմտ. շրջել և շրջեցնել (բարձրացրին կամսարյանին դեպի առաստաղը և սկսան շրջեցնել դահլիճի շուրջը» — Մ. 12):

Այսպիսի օրինակներ չափ կան: Դրանից են՝ շուռ գալ («Արուսը շուռ եկավ» — Չ. 6) և շուռ բերել || շուռ տալ («Նա երեսը շուռ տվեց» — Չ. 270) կամ՝ շուռ ու մուռ գալ («Շուռ ու մուռ էր գալիս անկողնում») և շուռ ու մուռ տալ («Շուռ

¹ Այլ միայն չեզոք բայերին, այլև անցողական-ներգործական բայերին էլ, երբեմն նրանց համարժեք պատճառականի համար նոր բառ է փոխարինում, օրինակ՝ տեսնել — տեսցնել, բայց վերջինիս համար սովորաբար գործ է ածվում ցույց տալ հարադրյալ բայը:

ու մոտ էր տալիս առջևի թերթերը—Ձ. 154). Լուլ գնալ (սհացի պատաները կուլ չէին դնում) և Լուլ տալ (սկուլ էր տալիս... ծխախոտի ծուխը—Ձ. 158). քաշ գալ || քարշ գալ (ամբողջ օրը քարշ էր դալիս) և քաշ տալ || քարշ տալ (տարևի թելը գետնին քաշ տալով—Ձ. 191, քարշ տվեց ղեպի սունը—Ձ. 28). փուլ գալ (սիրտը փուլ եկավ—Ձ. 96) և փուլ բերել || փուլ ալ (ս—Ամեն մարդու ափելի հեշտ է փուլ տալ, քան ոտի կանգնեցնել—Ձ. 376). շալ գալ (ամաղերը շաղ եկան ճակատին) և շաղ տալ (սգլուխ տվեց՝ կարճ խոզած մազերի փունջը շաղ տալով—Մ. 8). հալ ու մաշ լինել (ամմի պես հալ ու մաշ եղավ) և հալ ու մաշ անել (հալ ու մաշ արիք—Ձ. 390). տակն ու վրա լինել (սկստի հոգին տակն ու վրա եղավ—Ձ. 390) և տակն ու վրա անել (շարունակում էր նա տակնուվրա անել կանաց սիրտը—Ձ. 71). ուժասպառ լինել (սմինչև որ ուժասպառ լինի—Ձ. 17) և ուժասպառ անել (սծիռն ուժասպառ արեց). լույս աշխարհ գալ (սմի օր լույս աշխարհ կգա) և լույս աշխարհ հանել (սմի մասին բռնել ու լույս աշխարհ հանել—Ձ. 339). զինաթափ լինել (սկրտսը զինաթափ եղավ—Ձ. 491) և զինաթափ անել (սդրանով նա զինաթափ էր անում Վասակին—Ձ. 537) և այլն:

Այսպես են նաև բաղադրված այլ հարադրվալ բայեր, որոնք մեծ մասամբ կազմված են երկու բառից և հաճախ արտահայտում են մի բառի գաղափար և ունեն մի բառական արժեք: Սրանք սովորաբար փոխարինվում են ամբողջական բառերով, որոնք սևուի տեսակետից իրար հակադիր օրինակներ են, մի կողմում գտնվելով չեզոք կամ երբեմն կրավորական և մյուս կողմում պատճառական կամ երբեմն ներգործական բայեր:

Երկու բառից բաղկացած հարադրվալ բայերի առաջին կողմում լինում են տարրեր բառեր՝ ա) անունները (մեծ մասամբ գոյական անունները), օրինակ, գլուխ գալ «հաջողվել» և գլուխ բերել «հաջողեցնել», գլխի ընկնել «հասկանալ» և գլխի գցել «հասկացնել», մարդու գնալ «ամուսնանալ» և մարդու տալ «ամուսնացնել», պար գալ «պարել» և պար ածել «պարեցնել» և նման այլ բաղադրվալ օրինակներ (ուր հիմնական նշանակությունը անուններն են արտահայտում, իսկ բայը մի տեսակ սպասարկող գերում է հանդես գալիս).

բ) ետադրությունները կամ մակրայները և նման այլ բառեր, օրինակ, հո գալ «վերադառնալ» և հո բերել «վերադարձնել», մոտ գալ «մոտենալ» և մոտ բերել «մոտեցնել», վալր իջնել (|| վալր գալ) «իջնել» և վալր բերել «իջեցնել», ներս գնալ «մտնել» և ներս տանել «մտցնել» և այլն (ուր հիմնական նշանակությունը բայն է արտահայտում, իսկ հարադիր բառերը մի տեսակ օժանդակ գեր են կատարում).

գ) մեծ մասամբ առանձին անգործածական բառարմատները (հաճախ բայարմատները), օրինակ՝ հո գալ «հոալ» և հո տալ «հոացնել», փուլ գալ «փլվել», փլչել» և փուլ բերել «փլցնել», ման գալ «շրջել» և ման ածել «շրջեցնել» և այլն (ուր անունների նման հիմնական նշանակությունը բառարմատներն են արտահայտում) և այլն:

Ինչպես երևում է վերևի օրինակներից, սրանք այնպիսի հարադրվալ բայեր են կամ որոշ կարգի դարձվածքային արտահայտություններ, որոնց փոխարինող պարզ բառերը, ինչպես նշեցինք, մեծ մասամբ լինում են չեզոք (կամ կրավորաձև չեզոք) և նրանցից կազմված անցողական-պատճառական

բայերը. այսպես՝ մարդու զնալ տամուսնանալ» և մարդու տալ տամուսնացնել, զլուխ զալ ճհաջողվել» և զլուխ բերել ճհաջողեցնել, ետ զալ Վերադառնալ» և ետ բերել Վերադարձնել, ետ զալ ճեռալ» և ետ տալ ճեռացնել» և այլ նման բազմաթիվ օրինակներ:

Դանդաղություն. — Բայց հիշյալ հարադրյալ բայերի մեջ պատահում են նաև կրավորական և նրա ներդրածական ձևերը, ինչպես, օրինակ՝ սիրտ անել խրախուսել» և սիրտ ալ խրախուսել», հալ ու մաշ լինել ճհալվել ու մաշվել» և հալումաշ անել ճհալել ու մաշել», ջարդուփշուր լինել ճջարդվել ու փշրվել» և ջարդուփշուր անել ճջարդել ու փշրել», զինարափ լինել ճզինաթափվել» և զինարափ անել ճզինաթափել», ցրիվ զալ ճցրվել» և ցրիվ տալ ճցրել» և այլն, որոնք, ինչպես տեսնում ենք, փոխարինում են արդեն ոչ թե չեղոք և նրանից կազմված անցողական-պատճառական ձևերին, այլ փաստորեն կրավորական և նրա ներդրածական ձևերին: Նման հարադրյալ բայերն ու որոշ կարգի դարձվածքային արտահայտություններն արդեն պետք է կապել, բնականաբար, կրավորական-ներդրածական ձևերի հետ:

Բացի չեղոք կամ կրավորաձև չեղոք բայերից (կամ՝ չեղոքի իմաստ արտահայտող հարադրյալ բայերից ու որոշ կարգի դարձվածքային արտահայտություններից), անցողական-ներդրածական ուրոշ բայեր -ցն (-ացն, -եցն) ածանցի օգնություններ, ինչպես տեսանք վերևում, տալիս են կրկնակի անցողական-պատճառական ձևեր, ինչպես, օրինակ՝ իմել-իմեցնել (նաև՝ իմել տալ), ուտել-ուտեցնել (նաև՝ ուտել տալ), հիշել-հիշեցնել (նաև՝ հիշել տալ), իմանալ-իմացնել (նաև՝ իմաց տալ), լսել-լսեցնել (նաև՝ լսել տալ, հին՝ լսեցուցանել, լսեցնում էին ինձ յուրյանց երգերը — Բ. 261), հավանել-հավանեցնել (= հավանել տալ, հին՝ հավանեցուցանել, ճայտեղ չենք եկել մեզ հավանեցնելու... — Փ. 398), կարդալ-կարդացնել (նաև՝ կարդալ տալ կամ կարդացնել տալ), գդալ-գդացնել (նաև՝ գդալ տալ, օրինակ՝ ճաղքատի տան մեջ յուր ներկայությունը զգալ է տալիս — Լ. 19 կամ՝ ճգարնան արևն իրեն արդեն զգալ էր տալիս — Լ. 64) և այլն:

Անցողական-ներդրածական բայերի պատճառական ձևերը մեծ մասամբ կազմվում են տալ բայի օժանդակություններ (հարադրություններ), տալով, այսպես ասած, պատճառականի նկարագրական ձևեր, ինչպես, օրինակ՝ գրել-գրել տալ, շինել-շինել տալ, կապել-կապել տալ, բացել-բացել տալ, նկարել-նկարել տալ, կառուցել-կառուցել տալ, կարդալ-կարդալ տալ, կամ՝ կարդացնել-կարդացնել տալ (կրկնակի ձևով՝ -ցն ածանցով և տալ բայով):

Հարանման օրինակներից են (նախադասությունների մեջ)՝ ճերելոյան

¹ -ցն (-ացն, -եցն) ածանցի էությունը բայի մեջ անցողականություն-պատճառականություն առաջ բերելն է, ինչպես, օրինակ, մի կողմից՝ ետալ-ետացնել (մի բան), վազել-վազեցնել (մեկին)... և մյուս կողմից՝ կպչել (մի բանի) և կպցնել (մի բանի՝ մի բան), հասնել (մի բանի կամ մեկին) և հասցնել (մի բանի կամ մեկին՝ մի բան) և այլն, ուր պատճառական ձևերը կազմվում են չեղոք կամ անանցողական բայերից և ձևեր են բերում անցողականություն: Պարզ է, որ այդ նույն ածանցը, հանդես գալով անցողական կամ ներդրածական բայերի մեջ, անցողականության փոխարեն չի կարող անանցողականություն առաջ բերել: Անցողական բայերի մեջ էլ նմանապես անցողականություն առաջ բերելով՝ դարձնում է նրանց կրկնակի անցողական, ինչպես, օրինակ, ուտել (մի բան) և ուտեցնել (մի բան՝ մեկին), սովորել (մի բան) և սովորեցնել (մի բան՝ մեկին) և այլն, որոնք, կարծես թե, նմանվում են ուղղակի և անուղղակի խնդիրներ միաժամանակ ընդունող բայերին (ինչպիսին է, օրինակ, տալ բայը՝ տալ մի բան՝ մեկին): Սակայն այսպես պնդելու համար հարկավոր է ապացուցել, որ միևնույն -ցն ածանցը չեղոք բայերի հետ գործածվելիս անցողականություն է առաջ բերում, իսկ ներդրածական բայերի մոտ անանցողականություն, որ անկարելի բան է:

փոքրիկ աղջկաս գաշնամուրի վրա վարժություն է անել տալիս» (Մ. 22), «եբր հարկ լինել, պարել տար ամենամոթխած աղջիկներին» (ԱԲ. 339), «մի քանի հարյուր գերան կոներով քաշել տա և...» (ԱԲ. 465), «թե չէ տու- նրդ զրել կտամ» (ԱԲ. 526), «տալիով միջոցով ազատել կտանք» (Ձ. 56), «Հավարել տուր խոտը գետնից» (Ձ. 94), «գպրոցից հանել տվեց» (Ձ. 143), «Ներարները տպագրել և տալիս թերթերում» (Ձ. 224), «Ծառապ մեքենագրել տուր, բե'ր...» (Ձ. 226—7), «Եր գեմ գիմում ևին զրել տվել» (Ձ. 250), «...ու բաղմիցս կրկնել տվել» (Ձ. 260), «գողանալ չապս» (Ձ. 266), «...և ընդու- նել տալ Աշոտ Ֆահրապյանին վտարելու որոշումը» (Ձ. 298), «քննել և հա- տատել տվեց նոր Հաղապանում աներ շինելու բաղամթիվ գիմումներ» (Ձ. 385), «ալդ բոլորը նա զցել և տվել իրենց կոլխոդի հաշվին» (Ձ. 365), «Լեոնը կոլխոդի հաշվին կարել տվեց...» (Ձ. 386), «Լեոնը լծել տվեց կառքն ու ֆուրգոնը» (Ձ. 388), «ինչու խմել տվիր, կատաղեցրիր...» (Ձ. 489), «իր ձեռքով սարքել տվեց բաղամթիվ ալգալիսի փաստաթղթեր» (Ձ. 554), «ե զգալ էին տվել, որ...» (Ձ. 516), «ինչպես նաև (կրկնակի ձեռք՝ ցն ածանցով և տալ բալով)՝ Երալց չէ որ Վասակը բնավ զգացնել չէր տալիս Լեոնին, թե...» (Ձ. 287), «ամեն կերպ աշխատում էր մոռացնել տալ Լեոնին» (Ձ. 336), «Պետք է նրան խոստովանեցնել տալ» (Ձ. 478), «...այն գեպքում նրանց հասկացնել կտանք» (Թ. 263) և նման այլ բաղամթիվ օրինակներ:

Այս օրինակներից էլ կարելի է տեսնել, որ տալ բալի գործածությունը շատ է տարածված անցողական բալերի մոտ, կազմելով կրկնակի անցողա- կան-պատճառական նկարագրական ձևեր: Այս անցողական բալերն են, մի կողմից, անցողական-նկարագրական՝ զրել—զրել տալ, ոլորել—ոլորել տալ, ու- դարկել—ուդարկել տալ, ասել—ասել տալ, խոսել—խոսել տալ..., և մյուս կող- մից՝ պատճառական (մեծ մասամբ չեղոք բալերից կազմված)՝ հեռացնել— հեռացնել տալ, բարձրացնել—բարձրացնել տալ, չորացնել—չորացնել տալ, մոտեցնել—մոտեցնել տալ, վազեցնել—վազեցնել տալ, թռցնել—թռցնել տալ, իջեցնել—իջեցնել տալ, ինչպես նաև՝ խոսեցնել տալ, կարդացնել տալ, մո- ռացնել տալ, զգացնել տալ և այսպես մյուս բոլոր օրինակները:

Մանրորոշում.—Անցողականության տեսակետից, օրինակ՝ եռալ—եռացնել ձե- վերի միջև ֆունկցիոնալ տարբերությունը պարզ է. սկզբնականը (եռալ) անան- ցողական-չեղոք է, իսկ դրանից կազմված ձեռ (եռացնել) անցողական է: Այս տարբերությունն արտահայտվում է նրանով, որ երկրորդ ձեռ (եռացնել) արդեն ընդունում է ուղղակի խնդիր (օր. եռացնել): Այս ձևից էլ տալ բալի հարա- զրույթամբ կազմված է եռալի տալ բալի կազմակերպությունը: Այսպիսով, ուրեմն, ունենք միևնույն բալի, այսպես կոչված, եռակի ձևեր, այսպես՝ եռալ—եռաց- նել—եռացնել տալ, բարձրանալ—բարձրացնել—բարձրացնել տալ, իջնել—իջեց- նել—իջեցնել տալ, պառկել—պառկեցնել—պառկեցնել տալ և նման շատ օրինակներ: Սրանցից միջին ձևերը (եռացնել, բարձրացնել, իջեցնել, պառկեցնել և այլն) երկու գույքում էլ կան, այսպես՝ եռալ—եռացնել, եռացնել—եռացնել տալ, բարձրանալ—բարձրացնել, բարձրացնել—բարձրացնել տալ, իջնել—իջեցնել, իջեցնել—իջեցնել տալ և այլն: Այստեղ՝ առաջին գույքի միավորների մեջ (եռալ— եռացնել) ֆունկցիոնալ տարբերությունը կախված է անցողականությունից (գույ- քի առաջին միավորը անանցողական է, մյուսը՝ անցողական), իսկ մյուս գույքի

¹ Այլևս մոռանալ տալ ձևով՝ «...առժամանակ մոռանալ են տալիս ինձ այն սարսա- փելի դժվարությունները...» (Բաֆֆի, Երկերի ժողովածու, հատ. II, Երևան, 1955, էջ 519) կամ՝ «Աշխատանքը մոռանալ է տալիս սրտի կսկիծները» (նույն տեղում, էջ 603) և այլն:

միավորների մեջ (եռացնել, եռացնել տալ) ֆունկցիոնալ տարրերությունը պատճառականությունից է կախված: Ուշտ է, անցողականություն տեսակետից երկրորդ գույգի միավորները համագոր են իրար, մեկն էլ է անցողական, մյուսն էլ. առաջ է պահանջում ուղղակի խնդիր, նա էլ: Այդ պատճառով էլ, որքանով անցողականություն ուղղակի խնդրից է կախված, այս նկատագրով երկրորդ գույգի միավորների միջև ոչ մի տարրերություն չկա: Հարց է առաջ գալիս. մի՞թե ճիշտ է, որ անցողական-պատճառական և ներգործական ձևերը (եռացնել, իջեցնել, գրել, կարդալ), այսպես ասած, միակի անցողական են, իսկ բուն պատճառականները (եռացնել տալ, իջեցնել տալ, գրել տալ, կարդալ տալ կամ կարդացնել տալ)՝ կրկնակի անցողական: Կրկնակի անցողական միայն այն ժամանակ կարող է լինել բայը, եթե նա երկու ուղղակի խնդիր ընդունի: Եվ իրոք, երբ նայում ենք երկրորդ գույգի ձևերին, ապա այդ տարրերությունը զգալի է. այսպես, օրինակ՝ ջուր եռացնել, բեռ իջեցնել, նամակ գրել, զիլք կարդալ, բայց՝ մեկին ջուր եռացնել տալ, մշակին բեռ իջեցնել տալ, ընկերոջը նամակ գրել տալ, երեխային զիլք կարդացնել տալ և այլն:

Անցողական բայերից առաջ բաղի հարադրություն կազմված պատճառական ձևերի տարածումը գրական նոր հայերենում մեծապես արգելափակում է -ցն (-ացն, -եցն) ածանցի լայն կիրառմանը անցողական-ներգործական բայերի վրա: Այդ է պատճառը, որ -ցն (-ացն, -եցն) ածանցով անցողական-ներգործական բայերից շատ քիչ կրկնակի անցողական-պատճառական ձևեր են կազմվում ախորժրական նոր հայերենում:

Այդպես չեն, սակայն, չեզոք և կրավորաձև չեզոք բայերը: Սրանց մեծ մասը, ինչպես սկզբում էլ նշեցինք, կարող է ստանալ -ցն (-ացն, -եցն) ածանցը և կազմել անսոցական-պատճառական ձևեր՝ մնալ—մնացնել, վազել—վազեցնել, նստել—նստեցնել, զարթնել—զարթեցնել, հասնել—հասցնել, բարկանալ—բարկացնել, չարանալ—չարացնել... գծվել—գծվեցնել, զգվել—զգվեցնել, հաշտվել—հաշտեցնել, սխալվել—սխալեցնել, սխալվել—սխալեցնել, զբաղվել—զբաղեցնել, հաջողվել—հաջողեցնել, թաքնվել—թաքցնել, հարմարվել—հարմարեցնել, համաձայնվել—համաձայնեցնել, տրաքվել—տրաքեցնել և նման ալլ բազմաթիվ օրինակներ:

Սրանց նման նաև բնածայնական արմատներից (կամ նրանց կրկնությունից) կազմված չեզոք բայերը՝ զրնգալ—զրնգացնել (սրահերը զրնգացնելով դուրս էին ելնում—ԱԲ. 502), քիկքիկալ—քիկքիկացնել (սլոն ցեխից տախտակ դարձած գոգնոցը թխկթխկացնելով—ԱԲ. 115), խշշալ—խշշացնել (սրամին խշշացնում է չոր տերևները—ԱԲ. 148), փոփռալ—փոփռացնել (սմյուսը քամու առաջ փոփռացնում է կապույտ, կարմիր լաթերը—ԱԲ. 149), փնչալ—փնչացնել (սծին կարմիր ոռնգերը փնչացնում էր—ԱԲ. 206), տկտկալ—տկտկացնել (սմատիտի ծալրը տկտկացնելով սեղանին—Զ. 227), շրիկալ—շրիկացնել (սրածախները բարձրացնել, որ իրար շրիկացնեն—Զ. 28), չփչփալ—չփչփացնել (սրերանն ախորժակով չփչփացրեց պառավը—Թ. 156), ճմվալ—ճմվացնել (ս...ոտները կուաչրի մեջ ճմվացնելով ներս ու դուրս էր անում, գոմը մաքրում—ԱԲ. 61), քսալ—քսացնել (սխալաչին քոշերը քսատացնելով մոտենում էր պալատին—ԱԲ. 348), փոնչալ—փոնչացնել (սեղերը փոնչացնում էին քթածակների փոշին—ԱԲ. 427) և այլն:

Նման դեպքերում պատճառական ձևերը, որ սովորաբար կազմվում են չեզոք բայերից, մեծ մասամբ անցողական բաղի իմաստ են արտահայտում: Այս կարգի անցողական բայերի մոտ հաճախ չեն երևում ալլ հիմք ձևերը (սկզբնական չեզոք բայերը), որոնցից մի ժամանակ կազմվել են իրենք, ինչ-

պես, օրինակ՝ ծմացնել (ե...և շրթունքները ծմացնելով ոտները բարձրացրեց՝ Թ. 384), ծպլպացնել (եճիգրանը շրթունքները ծպլպացրեց՝ Թ. 312), չքացնել (ամատները մեկ-մեկ չթացնելով...՝ Թ. 587)¹, չլպացնել (երերանը չպացնելով...՝ Թ. 604), ամբացնել (գլուխը տմբացնում էին՝ Թ. 682), ճթացնել (ամատներն էր ճթացնում՝ Թ. 795) և նման այլ օրինակներ, որոնք մեծ մասամբ բարբառային ձևեր են՝:

Այս կարգի մի շարք ձևերի մեջ -ացն ածանցն ալնպես է միագնած, որ անցողականություն իմաստը բնավ չի երևում: Եման դեպքերում առաջ է գալիս ձևի և բովանդակության (ֆունկցիայի) խզում կամ հակասություն, երբ այս կամ այն բայը ձևով անցողական-պատճառական է (-ացն ածանցով), իսկ իմաստով կամ ֆունկցիայով՝ չեզոք: Այս կարգի պատճառական ձևերը իմաստով մոտենում են իրենց սկզբնական այն ձևերին (եթե այդպիսիք պահպանված են), որոնցից կազմված են դրանք: Դրանցից են, օրինակ՝ փոքկալ և փոքկացնել (եմանք էլ փոքկացնում էին՝ Զ. 107), խոմփալ և խոմփացնել (սկսեց ի լուր աշխարհի խոմփացնել՝ Զ. 359), կլկլալ և կլկլացնել (քոռ Աթան համ թառ էր ածում, համ բլբուլի պես կլկլացնում՝ ԱԲ. 397), բլբլալ և բլբլացնել (եհսկ Իվան բլբլը ձիաճանճի պես պոկ չէր գալիս նրա կնոջից, բլբլացնում էր լեզվով և...՝ ԱԲ. 397)², փոնչալ և փոնչացնել (եՇա-րեշար կապած ձիերը փոնչացնելով ուտում էին հարդախառն դարին՝ ԱԲ. 517), կտկտալ և կտկտացնել (եծառերի մթին խորքում սուր ձայնով կտկտացնում էր կտցահարը՝ ԱԲ. 651), խոալ-խոացնել (եներա ծառան... զլուխը կախ ձայնակցում էր տիրոջը՝ խոացնելով նրանից ալեկի սաստիկ՝ ԱԲ. 678), փնչալ և փնչացնել (հեգնանքով փնչացրեց Մացակը՝ Զ. 487): Այս վերջինից էլ՝ փնչփնչալ և փնչփնչացնել ճհաճախակի փնչալ, փնչացնել, և այլն (բոլորն էլ չեզոք առումով գործածվող բայաձևեր):

Այսպես են նաև մի շարք այլ բայեր՝ խոխոալ և խոխոացնել (եշատերը խորքնի մեջ խոխոացնում էին՝ ԱԲ. 419), խզլալ (եխոլի կուրծքն էր խզում՝ ԱԲ. 532) և խզխզացնել (խոսակուց խզղացնում էր՝ ԱԲ. 529)³, կոկոալ (ե...որ ալնտեղ գորտերը կոկոացին...՝ Թ. 628) և կոկոացնել (կոկոալ, մշշալ և մշշացնել (եհա խոր քնի մեջ մշշացնում էր՝ ԱԲ. 542), կամ՝ մշմշալ և մըմըմացնել (եմմշալու ձայն հանել, կմկմալ և կմկմացնել (եկմկմացրել էր շալկոն՝ Թ. 719), սրթսրթալ և սրսրթացնել (ցրտից դողդողալ և այլն):

Պարզ է, որ նման ձևերի մեջ միանգամայն հանգած է -ցն (-ացն, -եցն) ածանցի իմաստը: Այդ պատճառով էլ զուգակից ձևերի մեջ պատճառականի ածանցը առաջ չի բերում պատճառական կերպի տարբերակում, ուստի ալնպիսի զուգակից ձևեր, ինչպիսիք են, օրինակ, խոմփալ և խոմփացնել, գործ են ածվում որպես գրեթե իրար համազոր չեզոք ձևեր:

Այս տարբերակումը անհամեմատ շոշափելի է այն ժամանակ, երբ պատճառականի ածանցի կցումով զուգակից ձևերից մեկի մեջ առաջ է գալիս գոնե անցողականության գաղափարը (ինչպես, օրինակ՝ փոնչալ և փոնչացնել): Իսկ այդպիսի դեպքերում էլ չեզոք բայերից (-ացն ածանցով) կազմված

¹ Թեև կա չքչքալ ձևը (երակում չթչթալով... վառվում էր օջախը՝ Թ. 638):

² Տե՛ս Սո. Մալխասյանցի «Հայերեն բացատրական բառարան»:

³ Կա նաև՝ փլփլալ և փլփլացնել (եկյս ամենը Բեկյանը ալնպիսի արագությամբ էր փլփլացնում, որ ասես դիմացինի գլխին կարկուտ էր թափում՝ Թ. 580):

⁴ Կա նաև՝ խզալ-խզացնել (երայց կենդանին դեռ խզացնում էր և...՝ ԱԲ. 556):

անցողական-պատճառական ձևերի մեջ մի տեսակ հանգած է պատճառական-նի ալն իմաստը, որ ենթական գործողությունը մեկ ուրիշին է կատարել տալիս, կամ այդ ուրիշի գործողության կամ եղելության պատճառը նույն ինքը՝ ենթական է։ Եւման պատճառական ձևերը սովորաբար հանդես են գալիս ձևով որպես պատճառական, իսկ իմաստով որպես անցողական բայեր, հաճախ սովորական գործածական լինելով նրանց զուգակից՝ չեզոք ձևերը (որոնցից մի ժամանակ ծագել են իրենք)։

Հիշյալ բայերից են, օրինակ, փակցնել (սնորությունը այդ միտքը տախտակի վրա... փակցնելն է՝ Զ. 84)՝ հին փակչել՝ չեզոք բայից. հատկացնել (գրիկ մյուսը հատկացրել է մորն ու երիտասարդ կնոջը՝ Զ. 283)՝ հին յատկանալ բայից. յուրացնել (սնրա կարծիքով լավագույն նյութը Վեմյանը գոհ-կորեն յուրացրեց՝ Զ. 311)՝ հին իւրանալ բայից. կասեցնել (սնրան հաջող-վեց ձիու ընթացքը մի անգամ էլ ետ կասեցնել հեղեղատի ուղղությամբ՝ Զ. 15)՝ հին կասել բայից, այլև՝ շվացնել (սնրան տեսնելիս շվացնում էին՝ Խ. 720), վստկերացնել, լցնել (հին՝ լցուցանել բայից), հանրայնացնել, համայնացնել, կոլեկտիվացնել, մեքենայացնել, նորմալացնել, շարլոնացնել, զադու-թացնել և այլն։

Ծանոթություն.—Արտաքին նմանություն ունի չափազանցնել բայը (որ պատճառական է չափազանցացնել, տե՛ս Սու. Մալխասյանցի «Հայերեն բացառական բառարան»)։ Արտաքին նմանություն ունեն նաև՝ մորլիզացնել, օկու-պացնել, էվակուացնել, կոմբինացնել և այլն։ Իսկ եզրակացնել բարդ բայի երկ-րորդ եզրը՝ կացնել ձևը կենալ բայի պատճառական է, բայց քանի որ հիշյալ բարդության երկրորդ եզրում բոլորովին հանդես չի գալիս կենալ չեզոք բայը, ուստի եզրակացնել սովորական անցողական-ներգործական բայ է։

Վերջում մի քանի խոսք պատճառական բայերից կազմվող կրավորա-կան ձևերի մասին։

Անցողական-պատճառական ձևերից էլ կարելի է կազմել որոշ կրավորական ձևեր, ինչպես, օրինակ՝ մտնել—մտցնել—մտցվել, փայլել—փայլեցնել—փայլեցվել, իջնել—իջեցնել—իջեցվել, վերադառնալ—վերադարձնել—վերադարձվել, աճել—աճեցնել—աճեցվել, մոտենալ—մոտեցնել—մոտեցվել, բազմանալ—բազմացնել—բազմացվել։

Այս ձևով նաև ուրիշ օրինակներ (տեքստից)՝ հեռացնել—հեռացվել (գիրեն դրեց կոլխոզից հեռացվելու վտանգի առաջ՝ Զ. 510), ամրացնել—ամրացվել (սորի ծալրը հաճախ ամրացված էր լինում՝ Զ. 200), մերկացնել—մերկացվել (սնրա հակառակորդները մեկ-մեկ մերկացվում են՝ Զ. 348), ներկայացնել—ներկայացվել (գինչպես որ ներկայացված է կոնը՝ Զ. 474), անցկացնել—անցկացվել (սասեղին անց էր կացված մի քանի թարմ օրդեր՝ Զ. 505), համաձայնեցնել—համաձայնեցվել (սնախապես համաձայնեցված էր եղել Սանդարյանի հետ՝ Զ. 231), զրադեցնել—զրադեցվել (զգոմի միայն կեսն էր զրադեցված ազնվացեղ կովերով՝ Զ. 506), ինչպես նաև՝ փակցնել—փակցվել (սպառի ամբողջ երկարությամբ փակցված գորգը՝ Զ. 143), հատկացնել—հատկացվել (բոլորը թողին իրենց բրիզադներին հատկացված տե-

¹ փակչել բայը գործ է ածվում և՛ նոր հայերենում, ինչպես, օրինակ՝ «զյուզը տգի պես փակչել էր հայրենի հանդին» (ԱԲ. 50), «կասես, որ բամփես դիւին, տափին կփակչի» (ԱԲ. 120), «և քրտինքից շապիկը փակվում էր լանջին» (ԱԲ. 232), «և պինդ փակչել են հին հավատքին» (ԱԲ. 260) և այլն։

դերը»—Ձ. 95), վերացնել—վերացվել (սկզբնական թշնամին»—Ձ. 263), կասեցնել—կասեցվել և այլն, և այլն:

Ոչ միայն բազմաթիվ չեզոք բայերի, այլև որոշ անցողական-ներգործական բայերի պատճառականներից էլ կազմվում են կրավորականներ, այսպիսով առաջ զարուկ երբեմն, այսպես ասած, կրկնակի կրավորական ձևեր՝ մեկը ներգործականից (օրինակ՝ հիշել ու հիշվել), մեկն էլ նրա պատճառականից (հիշեցնել—հիշեցվել, օրինակ՝ ճիշեցվում է բոլորին): Այսպես՝ մի կողմից՝ խմել—խմվել և մյուս կողմից՝ խմեցնել—խմեցվել (սալստեղ ջուր չի խմեցվում), հալել—հալվել և հալեցնել—հալեցվել, վարժել—վարժվել և վարժեցնել—վարժեցվել և այլն:

Բայց նման դեպքերում սովորաբար ներգործականի կրավորականը գուցադիպում է նրա պատճառականի կրավորականին. այդ տեղի է ունենում ախոնարհման բայերի ժամանակ: Նման բայերից են՝ զգալ—զգացվել և զգալ—զգացնել—զգացվել (օգուտ զգացվում է պարնանային բույրը»—Ձ. 5), մոռանալ—մոռացվել և մոռանալ—մոռացնել—մոռացվել (սկսեց լիզամյանի տանը մոռացված նրա բլուրնտը»—Ձ. 425), իմանալ—իմացվել և իմանալ—իմացնել—իմացվել (ս...այն ժամանակ է միայն տարածվում իմացվում»—Մ. 71), հասկանալ—հասկացվել և հասկանալ—հասկացնել—հասկացվել, կարդալ—կարդացնել—կարդացվել և այլն, ուր, իրոք որ, ներգործականի կրավորականը և նրա պատճառականի կրավորականը համընկնում են:

Սանթրուքյուն.—Նմանօրինակ շատ դեպքերում պատճառական բայերը ստանալով -վ ածանցը՝ դառնում են պատճառականի կրավորական ձևեր: Պատճառական բայերի անորոշ դերբայի հիմքից և ածանցը գուրս է ընկնում և ավելանում է կրավորականի -վ ածանցը (օրինակ՝ մտց-ն-ել—մտց-վ-ել, զգաց-ն-ել—զգաց-վ-ել, առանձնաց-ն-ել—առանձնաց-վ-ել, մոտեց-ն-ել—մոտեց-վ-ել): Այս պատճառով էլ պատճառական բայերի կրավորական խոնարհումը գուցադիպում է ախոնարհման անցողական-ներգործական պարզ ու կանոնավոր բայերի կրավորականի հետ, որ սովորաբար կազմվում է կատարյալի -աց հիմքից (զգալ—զգաց-, հասկանալ—հասկաց-, իմանալ—իմաց-) և այլն¹:

Սովորաբար պատճառական ձևերի ներկայի բնույթ հանդես է գալիս -ցն ածանցը (մտցնել, օրինակ՝ մտցնում եմ, մտցնելու եմ, մտցնեմ և այլն. զգացնել, բարձրացնել, մոտեցնել), իսկ կատարյալի բնույթ այն դառնում է -ցր (մտցրի, մտցրել եմ, մտցրած եմ, մտցրու և այլն. զգացրի, զգացրել եմ. բարձրացրի, բարձրացրել եմ. մոտեցրի, մոտեցրել եմ և այլն) և այլն:

Համառոտագրություններ

ԱԲ.—Ակեբի Բակունց, Երկեր, 1955:

Ձ.—Նաիրի Ջարյան, Հացավան, Երևան, 1955:

Ք.—Քր. Քափալյան, Ոսկե հովիտ, Երևան, 1955:

Մ.—Մուրացան, Երկերի ժողովածու, հատ. V, Երևան, 1954:

Ման.—Մ. Մանվելյան, Ընտիր երկեր, Երևան, 1947:

Բ.—Բաֆֆի, Երկերի ժողովածու, հատ. II, Երևան, 1950:

Փ.—Վրթ. Փափազյան, Ընտիր երկեր, Երևան, 1951:

¹ Չեզոք բայերի մեջ նման գուցադիպումը չի կարող լինել այն պարզ պատճառով, որ չեզոք բայերը կրավորական ձևեր չունեն: